

少室山人集

少室山人集卷二

河南楊本仁

詩

沐浴子

少小自矜持揚蛾理玉步
燦燦三春華立取千金
願一旦入昭陽玉顏乃
無數承恩更相前半
非平生度近傳媚新粧
益覺夙心誤豈無芙蓉
帳獨倚雲屏暮溶溶
牛女月涓涓合昏露良
會自有期妾心當自固

歲暮

萬慮立庭除寒聲吹角初高天松色冷皎月竹
光疎吏態平生鶴鄉心前日魚明年三十八玄
草未曾書

濟上冬夜

歲暮客懷翻畏酒野寒煙夕憶登城遜翁祠上
霜應重太白樓前月自明肺病未拋詩思苦家
貧不減宦心輕音書一夜思千縷四壁松光吹
笛聲

理竹

怪爾軒前竹何時亂作叢風塵無獨立灌溉負

深衷一朝加翦伐萬葉開玲瓏雷雨春應闊森
森起蟄龍

雪

京國三年雪東南此夜深如何濟水曲苦憶菟
園吟青海氣將變黃河冰正侵吾

皇郊事近應副祈年心

感興

年來坐廢舊彈琴亭榭風生花草深火病易隨
時起伏水官難與世浮沉乾坤更抱摧蘭泣河
濟長懸陟岵心疎髮不堪西北望鳳池麟閣愧

知音

漫興

天地春風燕到遲
嬾心常是覺羈縻
一年最苦半年病
明日定憎今日詩
僮僕漸能識舊藥
鸛花近若怪深思
登樓忽見黃河水
月色惱人何所之

雷雨不成

久旱聞雷夕當漕
渴雨情虛無成後
望浩蕩只先聲
淮濟滿舟楫國家
此重輕天心如可
問河漢爲誰傾

聞邊聲時虜要求進貢包藏禍心

聖世王關往未扃誰令黠虜勒來庭萬年中國
鵲爲白四月邊城草未青

郊廟正修周禮樂兵戈合示漢威靈舞干儀鳳今

陳迹回首秋風滿近垆

時方賀得瑞鵲

送徐州兵憲何鴈峰叅蜀

徐泗飭戎殿二京襟喉南北仗儒英三年渾識

成龍地

用漢書龍成五采語

一去能忘放鶴亭霜節未消

赤壁氣

曾按湖廣

薇花先爲錦江明登臨應憶白樓

日

時鵲太白樓

月照峨眉後四聲

觀水

平湖秋漲沒通津獨立沙頭數釣緼
遠水澹煙遺世鶴扁舟細雨采菱人
官當拯溺慚吾楫勢若望洋嗟此身
萬里晴雲開晚色遲迴天地岸吟巾

禱皇嗣李真人回

龍氣開千葉霞旌炤二京重暉闕
盛日少海動前星天地垂清穆江山
蒼

寵靈異時休自詭帝爲

聖人聲

萬壽節

濟上再逢朝

聖節管韶聲
沸百花深二年庭闕南
辭日一命江
河東注心

龍馭曾瞻雲裏色
朱衣如聽殿中音
露明星曙遙
回首翠覆西山萬仞岑

壬辰中秋時家君立命作詩

萬里中秋月開顏
見汝難幾年爲客恨
今夕對
親看鴈影與天渺
松光映酒寒浮雲任
吞吐作
意照長安

雨中同少泉邀張近溪觴浣筆泉

地寔因人勝亭今映雨開泉應識藻翰草不受
塵埃學是西京裔時惟南國材陶甄無往昔淮
海動風雷欲過興龍里行瞻集鳳臺江山奔氣
象汶魯住鄒枚雲壓蕭蕭葉花明灩灩杯客心
忘遠近水色澹松梅把燭看旌節銜泥待去來
願聞平子賦况是謫仙才天地還今夕文章接
上台異時尋故事先到濟城隈

雨中聞鴈

天陰野濕江山暮木落城寒鴻鴈鳴羈縻不堪

客裏況低迴偏是雨中聲百年家在黃河遠一
命親貧白髮生北去南來聽不了剪燈看劍獨
含情

濟上喜逢石岡先生座主

憶昔西江變先聲搖河嵩獨公力校士群意憐
稱戎一別長懷劍十年今識驄寒暄濟水上回
首嘆風蓬

新嫁娘

盈盈新嫁娘生來不知逆耿耿解事心入門即
有畫未諳姑性氣轉喉遭捶斥嫂也起操戈小

姑爭下石詎念摧雙蛾真欲碎尺璧四顧豈無
親莫敢爲解釋賤妾何足多母乃戕其和妾言
雖如何妾心亦無佗

後樂亭

地有不可廢非人其焉茂豈無名勝區依然榛
莽厚沕湫濟之濱突而降飛構窮雉倚翬簷晴
螭抱孤甃日觀勢若親沂泗雙奔湊悠悠塵籟
寂裊裊寒嵐覆衰盛倚伏間所遭良不偶戴公
廊廟姿俯河思夏后

帝曰汝作揖身與名俱後牽纓有下鷗濯耳無紛

綬曠馬泣湖棕灑灑得先副弭節霄漢邊撫迹
憎凡陋會心豈在遠舉芳恣吞漱范憂終一紓
賈策業三售情至境卽佳天球中自扣松露濯
玄髮冰丹洞襟袖杜池沙故堙白樓颿欲仆亭
亭後樂亭百載歸佳觀

後樂亭宴集

立地開佳勝危亭得共攀氣嚴偏近水野曠欲
移山羈跡簪裾下何心魚鳥間一尊懷范老冰
雪照酣顏

明月行

天霜河水風如戟水部先生不通客二年東井
掃寒芒一日中天看太白雲開松動鶴飛來檜
堂新作擲金石呼也高士有奇氣雅壇騷壘輕
千尺風骨真栗沈宋階鎔裁幾破曹劉革丈夫
得氣欲報

國如此高吟窮亦得况君逸足終難繹忼慨悲歌
立壯髮鋒雄屢卻不爲闕乃知呼也高士有奇
氣古來按劍投明月吁嗟乎古來按劍投明月

同齊蓉川憲使登太白樓

飛蓋登古城浮雲故故奔太白去千年此樓誰

爲傳江河無盡流東代猶西崑賢聖豈獨在桃李
竟何言古人一寸心常吹百代壘耿耿平生
懷宜與健者論

白兔 四川進白兔

玉兔來何晚金牛氣未沈一毛皆

帝德萬里撫臣心仁孝通真宰精靈鍾太陰忘蹄
竟誰是明月下西南

獨立

寒景澹夕霽獨立意不悞河聲從西來喧逐濤
四吹振驚睇無語矯翼空自知

歸鳥

冰雪滿路遠微曛在樹枝天寒歸鳥疾荷重行人遲
爽夫天下心何得顧吾私

明月

明月出東海寒光搖四涯
漁漢池翁却走不敢窺
世無玄真子誰知天下奇

無事

冬官無事畫彈琴信手宮商有自音
海內英賢半識面鏡中勲業獨驚心
書籙樂臺百年蕉白水青山四宇箴
一曲未終玄鶴下松梢涼月透

東南

霜風

霜風吹月湖水寒湖邊群鳥戢羽翰黃蓬漁子
強解事誤傳凍折雙琅玕野人吁恠起長望亭
亭仍在煙虹上却嘆故林桃與李秋氣未至色
先死

寒雲

寒雲無色晝靈晝欲雪不雪天常陰夏苦無雨
秋苦霖民間視粟如視金黃河未冰虜未驅去聲
苦心更覺邊城戍從來智士憂治朝何人獨獻

西蜀兔

迷津

騷客與風人偏於雲物親
秋山多健翮春水無
沈鱗河嶽雙吟目鶯花一
病身忙心長耿耿何
日拔迷津

醴酒篇

客從何處來遺我一尊酒
舉世皆嗜甘恐君惡
苦口客意豈不美無乃失
善誘忘甘不知醒酒
焉將誰答此心不可無
此酒不可有與客非面
交面交心當剖再拜謹
謝客毋令平生負

醴酒篇下

君子耻善柔片言十日寒慙哉汲大夫武皇見
則冠齊人秉國軸淮南謂不難萬口爲一舌黃
金化爲鉛莫以水濟水將無鹽爲妍淺水無波
瀾靈山多巉巖君甘則臣酸君淡則臣鹹

雙鷺篇

澹澹水上雲離離水中藻明月照孤峯長江白
浩浩平生故人心歷歷爲吾道在少謀常疎憂
事多在老一言相千秋漢皇亦草草相視了無
語中心兩自喻擇衣莫若新擇人莫若故古木

能霜雪老驥諳道路援琴鼓一曲沙際墮雙鷺

湖水白

山寒翠不減風色夕轉劇煦煦鳥自私豈無凌
霜翮曾聞百羊皮未若一狐腋

聖帝達四聰詎少龍與益毋以芝鴈歌足掩天人
策引首西北雲月明湖水白

有懷

蚤年安蹇劣中繫簪組間對人覺性拙多病得
官閒拊纓思渭水立馬看秋山憶尔同袍子何
時開進牘

九

夕景半陰霽池亭簾四開落花人散後細雨鷺
飛來汶泗秋新漲雲山晚更瓌此時無一語矯
首獨遲迴

早春

霽色開平野長風吹積陰片雲含世態一草見
天心華吐春如語鳥鳴山欲吟物情只自得客
況爲渠深

春日簡二檀

二檀濟之舊寮也欲赴雲南憲副以嗽藥普

照寺予爲索詩

憐君病肺客僧寺藥裹吟床春晝陰未信少陵
詩總廢始知司馬渴應深滇池花鳥俱含思濟
水竹荷舊識心欲爲同官賦同病片雲故起西
山岑

春日同劉毅菴吳柳濱胡竹橋蔣東瀾鄒
九峯登太白樓

花月俱停青雀舫萍踪爲倒白樓觥龜鳧不斷
江河脉脉濟能流賀李聲遺世長吟有一老與
山俱立是平生也坤西北風雲氣萬里瑤光識

帝京

表第

江湖詩舫爲九峯鄒山人題

半陂春水隱風雷
河柳江梅路往迴
爲問此公何所有一船明月載詩來

送二檀副憲雲南

四月南風吹黃梅
二檀旌拂水雲開
鄉心宦況天邊燕
細雨孤帆江上杯
探險平生曾萬里有
懷何日定三台

滇中
山名

滇南濟北應相憶
思召

堂深首重回

熊叔仁

少室集

卷三

十一

萬里南沙客孤舟濟水邊青萍新氣色金馬舊
嬋娟風雅人誰及西南子獨賢相逢談不了此
別動隔年

三月軒前植蓮

數本

至四月挺挺三花竝放

客至輒歆訝以爲太蚤予亦以爲太蚤嗟
寘乎豈感主人慇懃之意邪戲爲詠之

四月池蓮空有葉軒前麗裏放三花亭亭似識

采采爭舒十丈霞

采鷗臨九峯山人

無聲

蘭氣簇孤鷗坐石梁烟烟窺

原缺

少室山人集卷三

河南楊本仁

詩

水部夏夜

霽夏片蟾光似水

清時一命重於山吏情敢謂秋雲薄詩境只宜野
鶴閒松檜何心蟻寂寂煙花無語鳥關關黃金
白髮非吾患土蕨村醪有好顏

東竹居薛子

時監推兩游回歐登泰
山謁孔林偶以疾尼行

水部新從水國來濟寧河下藕花開秦松魯檜

十年夢孤鶴飛雲二浙臺長使冰操凝權市
時藥裏替吟杯知君醉弄西湖月林逋廬邊定
幾迴

君子軒雨立

蕭蕭蓮竹灑人寒常得從容倚節看百晦未霑
終抱甕一塵不起更彈冠蒸雲故作瀟瀟雨潦
水新添汜汜湍多少漕卒尚逆挽等閒爲汝一
長歎

觀瀾亭值雨

艾柯池館不常來今日來遊雲不開兩岸蟬吟

千樹雨一時風送半天雷
水禽故傍舟邊浴
草藥旋移石上栽
塵思病情俱如洗
虛無真擬瀟湘隈

七夕新亭同張伯才年兄 是日立秋

河上林亭塵不侵
荷香露氣晚陰陰
半山明月墮池水
一葉秋風灑客襟
浮世共傳牛女夕
與君坐看星河心
三年萍會忽今日
後夜相思此地深

雨後

孤雲靜不去
寒潦晨潛潛
詩骨秋來健
山姿雨

後佳鄉心看社燕時耳厭池蛙多少白鷗鳥悠
悠水一涯

露立

片雨收殘暑名花凝晚香沉思木葉下小立露
華涼水部怕泥客樗材謬作郎平生懷似洗河
上閱三霜

水邊

秋景物俱爽夕林鳥作群天無偏照日山有半
遮雲暮氣斜含雨湖光淨却氛自非貪涉者脉
脉立河濱

感事簡少泉二首

水近龍邊險山於秋後奇怕探明月窟媿負菊
花時吏轍無佳況年華得自私煙霞滿嵩少回
首意俱馳

三歲都漕水一官作怨林帆櫓春曠日人客早
行心時有青山與秋來舊葉吟絕栗聊復理絃
促媿知音

九日菊未花

濟上三年客軒前九日觴菊長遺世立晚不放
花黃豈畏風霜色如聞徃昔香芳華待誰展明

日非重陽

聞鴈

爲客驚時換羈懷感物深有錢終買鶴何日定
抽簪鴈似去年語人非故國心朔雲湘水意歷
歷墮秋砧

挽兩峯羅道承同年

秋落河流咽不盡關山涕淚兩峯還雙親萬里
孤兒櫬暮雨江濤九月船劒氣長沉螺水夕珮
聲如在鳳城煙哭君重憶別時語白鴈飛來霜
滿天

濟上送王祿之歸養

九月平江扶母歸竹青魚白鴈南飛自緣菽水
關情分豈謂簪裾有是非汶渙觴吟雲冉冉吳
門松桂鶴依依一官半爲親方出回首濁河未
拂衣

冬日軒中

歲暮思歸客天寒羈縻吟詎知霜雪苦一任泥
塗深天地後凋節風塵不染心悠然立軒外蓮
竹澹吾襟

送路北村憲浙

絲鷁衝寒下武林
冰霜知爲到時深
垣薇尚帶夷門雨
臺栢應連天柱陰
龍洞鶴峯靈運屐
潮聲月色翠微吟
思君爲聽南來鴈
雲水那沉汶上音

留別少泉

歲暮河微客念歸
山風吹月寒輝輝
君來爲展故鄉色
此別休嗟後事違

國憤況聞代北變
吏情終厭漢陰機
翻翻無語看雄劍
歌盡同仇酒重揮

留別軒中二君子 二首

平生野況耽蓮竹一與君交欣至今軒外長存
塵外意去時猶是到時心澹雲疎雨俱成態楚
水湘巖非故林別後有書應問訊炎風朔雪敢
相侵

浮雲不住水流漸客主依依惜解携何意共期
丹闕下吾廬只在黃河西晴梢露萼見應語風雨
炎涼願不睽天地此身君莫哂江山回首嗟鴻
泥

雪後同夢溪過菴新齋遊青岡外氏園

城中不盡春前興郊外聊傾雪後杯十里冰花

宜竝馬半山寒日共登臺
席邊峰起雲常潤枝
上梅香鵲故來高卧至今應不穩
知君俱是濟時才

留別夢溪北原省菴鶴洲過菴瀾亭新齋
諸君子

曾牽羈旅相思夢猶是鄉園
驅遣身野鳥傍人
如勸飲早花何意照垂紳
慙慙別酒情難盡
拘礙名途氣不伸
日白山青春萬里彈冠誰避
帝城塵

渡河寄鄉園親知

濁河水破如山摧百折危船逐浪開寒日曛曛
下饑鶴迴風獵獵吹浮埃半空轉首岸俱動孤
劍中流氣益瑰水底魚龍蟄欲起濤聲隱隱若
生雷

澶淵道中

萬里春風入

帝京河橋官柳不勝情雪殘泥滑翻征蓋雲影泉
香問濯纓城下盟寒知寇準帳前變起憶花卿
浮生四十濟何事奔走塵埃耻

聖明

過開州挽王公濟

往歲九日同登太白樓

王溪先生知不知中原故舊長相思菊時如見
登樓興蒿里那堪帶劒悲到處有山皆着筆平
生爲吏只宜詩百年誰復收遺藁落日迴風馬
去遲

發南樂

凌晨疾發南樂縣北風吹人緊如箭馬如縮蝟
半前却鞭策莫施日色晏一僕健者不能騎弓
卧沙中淚如綫君不見雲中甲士晝不飯雪裏
執戈夜防戰

臨清齊蓉川兵司招飲

花時曾過清源路今日重來冰未開河柳官梅
春不淺臺霜府栢暄仍回人當文武俱能事地
控江淮著健才撫劍不平帳下難歌雄樽俎起
風雷

別邵玉泉曹長

南國風流推仲子清源重見轉相親池邊酒氣
能醺鳥門外春寒不著人舟楫漫勞憂國夢鶯
花偏切苦吟身思君應憶衛河水風雨燕山易
愴神

鼎朝

紫氛如蓋壓

龍山鳳闕雙曉霄漢間春水漫生

清馥殿夕峰休照居庸關三年夢裏聞

天語五色雲中識

聖顏敢向明時輕組綬自緣薄劣媿朝班

客中

昂昂厭趨競悠悠迂至今無營憑作客何事可
由心擇木看棲鳥卽山寫動箴相逢莫按劒嵩
洛有高岑

甲午清明日

時與弟義儼
居大興隆寺

寒食燕京愛野觴九郊春滿烟蒼蒼晚霞過鴈
家千里孤月就人僧一廂花片愁露太液水鶯
聲嬾出建章墻天涯兄弟聊相慰南望無心賦
草塘

自嘲

漢陰丈人亦太拘齊門操瑟徒區區苦心抱甕
有何意附影吹竽乃尔殊潘岳不情賦自好阮
生非醉出無虞長江大楫憑渠在一葦浮沈自
腐儒

無虞謂不問前
路性意東西也

秦挽丞谷莊敏公

一代師儒今控鶴三朝勛闕罷懸魚金華曾使
帝前席白髮那堪人倚問南國儀刑空海嶽中原
傳誦滿圖書嵩行河洛俱無色風雨嶠函獨愴
予

寄呼子夢舉人

今歲春遲花不開花開誰與共徘徊
潛翁門巷還主徑甫老行藏付一杯
而我疎迂合吏隱如君英茂豈蒿萊
東南山水多靈奧渺渺烟霄獨上臺

送王公遇出守大同

雲中況值創殘後，定憊扶傷故屬君。
舊日旌戈殊氣色，到時霖雨沃蒸林。
紫金地峻看秦塞，白虎峰寒靜楚氛。
莫使

至尊勞西顧，漢朝廉孟本超群。

廉范孟舒曾爲雲中守

雙壽篇爲車馬山曹長作

揮毫曾擬

帝傍仙投綬，真傳不老年。
五嶽三洲浮世外，終飛瑤草壽杯前。
江山靈氣雙盤鶴，天地薰風並鼓弦。
京國有人時極目，吹簫爲奏白雲篇。

又壽車禹山廼翁七十詩

鷗夢不妨山雨劇荷裳偏得水風吹黃庭曾費
觀鵞黑白髮能忘向曝葵西嶽并看難老日少
陵虛擬古稀辭年年獻壽歌叢桂席滿烟霞酒
滿卮

許默齋昆弟宅宴集

移席中天就月明詩篇杯酒俱同聲森森龍氣
千雄劍燦燦烟花雙紫荊眼底風蓬憐宦跡夜
深松露濯塵纓興來自笑書生僻拘礙猶牽世
上名

贈平定朱太守隱居 朱諧先天數

藜杖芒鞋厭陸沈
酡顏鶴髮老山林
白蓮故瑞彈琴日
靈雨曾符作楫心
洞裏玄風闢聖跡
越南勝境寄高吟
憑君欲問先天學
定住烟霞何處岑

松苓篇壽中丞熊公

聞說先朝老憲臣
銀臺青瑣切

楓宸指揮立使翔
雲定風裁奚妨鼠
雀噴投劒省
勞躍馬臺拂衣不
媿下鷗身翠屏山
畔雙溪水
歲歲松苓烟雨春

救鸞仙子吟爲杜研岡壽太夫人題

蓬海無波高少野主人獻壽當深夏萬里風來
聞妙香十二珠樓簾未下九雲縹緲隱芝蓋青
鳥雙隨簷前瓦彩鑾仙子降無聲霧縠飄蘭輕
若若金母卷授不老訣玉妃手致長生學盤裏
玉莖歲星知卷中金篆太真寫龍泥恍辯慶壽
文其間篆古識者寡雲姝輕吹紫鳳簫水晶光
寫蒼龍鮓丹液玄霜爲駐顏神芝瑤草贈盈把
昨夜太靈徹王虛夫人道是長年者異時休擲
苑中核靈根不搖即再發仙卽麟躍倘歸來三

階歷盡鍊金骨玄姿自然與世別樓外空香長
若結彩鸞濯影弱水迴渴飲紅泉舞不輟花明
煙曙不知夜舉酒壽仙爲仙謝龜靈故傍主人
息鸞騎嬾聽仙娥跨仙娥欲去不動身行雲嬾
嬾鸞跋跋從今三萬六千歲一歲一迴潁水濱

少室山人集卷三

少室山人集卷四

河南楊本仁

詩

西江篇

君不見逆濠惡盈藩封賤六月故作長生宴
氣如山壓重臣蒲堂灰死無人面詭言內旨劫
衆心撫臣面詰逆謀見赤心副使不顧生直辭
中賊猛如箭丈夫義重身為輕天日一語轟雷
霆司農頭存賊未烈梟卿舌斷唐增靈若心可
剖報

明主汝能殺我

主殺汝先後之間僅一緒下殿不受賊奴搯嚼齒
唾罵地皆赤孫公盛氣趨不亟五步三顧呼甚
力惠民門外氣如虹仰天一吁天爲昏白日不
照項上痕江水不流龍畫立山鬼江靈夜深泣
履霜猶豕嗟何及妖蛟悍鯢俱骨靡中丞其搖
水中壘逆濠未陣魄先奪遮江一戰鼓聲死不
入鄱湖一葉舟亦盡西江半江水敢誣勤王四
集功毅聲折賊自公始屈心變面者何人許公
之死乃如此吁嗟乎許公之死乃如此西江浩

浩流不止

却餐操

悲葉氏也葉夫某客死通州城西氏守之晝
夜號人餽之食不食勸之生不荅十三日遂
死焉醒川子爲作却餐操

白日行空塵不起何人餓死城西渼其妻拊屍
哭不已十三日不食身竟死嗟嗟死兮可柰何
日光下照河無波解一悠悠蒼天魂旅莫與胡不
遄歸豈無故所妾身諒不生當誰使葬汝霧苦
風淒啼聲楚楚解二嗟爾行路之人勿謂我飢得

死夫傍甘如嚼飴百爾所思我心不移嗟嗟我

心母也不在當告誰

解三

嗟爾行路之人勿餽我

餐不負我所天速盡爲安百爾所思徒摧我肺

肝嗟嗟肺肝我母不來行路憐

解四

嗟爾行路之

人汝食豈不甘我心自苦匪我不食我腸則腐

腸之不腐起予夫主

解五

嗟嗟死兮不可追妾身

雖在當何爲生不汝縻死汝隨天陰雨濕城西

垂母也來問潞河湄

解六

三月三十日

春去莫知嬾是真片雲如繫客邊身不栽桃柳

判移菊卽使軒裙羨荷綸琴鶴未妨竹院冷
花偏弃吏人貧出門一笑江山暮萬里長風吹
角巾

夏日客居一絕

帝城春盡燕飛忙簾捲南薰花氣香起來引水
澆新竹櫪馬一鳴白日長

僦居

性懶不緣應接倦官閒頗得出行疎落花乳燕
三春客細雨輕簾一卷書無僕可能識藥草有
時自起灌芙蕖娛心何必多馳驚桐月娟娟最

起予

送王中川學士之留都

金陵自古賢豪窟
君去登臨定苦吟
雄勝難消龍虎氣
經營宜識

帝王心
雨花臺畔雲霞色
吹笛橋邊山水音
斯是高皇定鼎地
閱江樓上碑千尋

雨後馬上見西山

朝來騎馬認吾廬
雨後西山盡不如
峻潔似連天色近
鬱蒼若兄日光疎
一朝有地烏喧集
萬事無心雲卷舒
會欲凌虹躡絕頂
礪風岩月不

關渠

送林見泉節推之瓊州

萬里東南地盡頭
節旄特挿海中洲
四山雲起琴金澀
半月潮迴劒氣秋
抱虎峰陰常帶雨
棲龍灣古不宜舟
濯纓亭在雙泉上
應對蒼屹詠不休

送鳳岡徐子和之揚州

炎熱遠辭

飛鳳闕風雷先動
廣陵城拊纓擬濯
包湖水討古
合開漢井銘
夢草亭前春雨
細摘星樓下暮江

橫有懷應上雲山閣月色潮聲萬里情

送叔丈劉虎村先生出守程番

龍番虎符六千里蠻境秦封十五年笑卻虜塵
曾躍馬坐移夷俗更調弦二京漸識風流韻三
世猶傳詩禮箋關隄滇南才不小壯懷早寄干
城篇

代壽張水南太夫人詩

四月江南雨未開江風颭颭吹黃梅香山夫人
列壽筵赤日忽照流霞杯水簾冰簟沸笙簫仙
雲靈羽時往迴聞說昔嬪御史君門內井井百

不焚又聞曾提學士耳朝塩暮壑開典墳螭頭
柱下露新渥霞帔鶴髮當南薰水南學士號鴻
朗白虎殿中蒙

帝獎補袞常餘不斷絲沃心始覺切身杖豸氣猶
含熊膽冽金蓮廻照囊螢槐夫人今年七十四
姑和餐粹真氣備鶴化松枯齒髮牢獨與君山
永相視君不見文伯之母不自暇軻氏之母慎
所舍績曾遷鄒百世談學士之母賢爲三

代壽甘太夫人詩二首

松檜不知秋鶴算無今昔

恩輝照暮齡足慰桑榆夕母也觴流霞靈氣滿衣
席棟燕窺迴鸞庭烏識天澤肯以金緋心忘彼
藜藿液猶存斷後機正住遷時宅一襖三十年
戀戀未忍擲爲聞割衣聲益覺絮蘆跡圓景耀
金川光動三台石

耀景下西南岷江水流急志士懷遠猷脩名患
不立豈無鍾鼎養柰此簪組繫寧以背堂萱爲
偃濟川楫寧以綵衣輕爲停龍袞緝平生紡績
心正爲經綸給人事無終睽時颺難獨戢貞脆
果由人賢哉母疇及結睇江陽天霏雨凌雲濕

夢雲
山名

春畹公壽卷爲鄭友石曹長題

柯山誰結讀書廬此老重開萬卷餘
霄漢但存鷹隼翮東南聊着竹松居
人間宦跡虛金馬江上秋風自白魚
聞道芙蓉臺更好百年迴首媿簪裾

西碧山人晚節堂

溟閬地古開靈輿晚節何人爲築堂
石洞鶴來山月迴巖扉雲散松風長
投簪故結烟霞果倚杖偏聞水竹香
躍馬眠鷗俱意氣肯將秋色負

吟觴

部直

八月長安風色寒吏情鄉思獨凭欄暮雲捲盡
秋山碧白鴈飛來霜葉丹拙宦奚妨長刻鵠羈
心敢復厭加餐烏啼吏散含香署松檜陰森倚
劒看

登高

九日黃花放未齊客邊秋色強攀躋雲移

帝闕雙峰出霜落江門萬木低盛際會須營世業
壯心豈合慕巖棲山高風急少平地把酒廻看

萬仞梯

雙桂堂爲方龍沙題

方家堂起西江前雙桂翻翻不死年素業未淪
人共遠晚香如見花相鮮秋風鴻鴈雲邊影夜
雨堦簷夢裏天莫把一編遂墻壁豫章城下水
潺潺

順門晚直值雪

朝來日下候金扉晚向雪中騎馬歸朔氣不如
長樂殿寒花偏妬小臣衣漸看暝色催宮漏猶
似夕書下瑣闥欲去又留林鳥合乾坤迴首寸

心違

九月二十五日雪

西北地高寒到早長安久客最先知鄉心頓覺
秋來甚詩興翻從雪裏奇亂向花間終滅迹若
於枝上暫生姿一時不辯群峯色獨對長松有
所思

九月三十日部直

秋來客况盡今夕世上浮名餘此心寒景壓山
鳥齊去古松照顏鶴獨尋一燈展卷析聲急半
夜開門河影沉漫倚青萍懷似洗晚芳殘雪風

森森

謁陵三首

山陵隨例綴鵷鸞萬壑千峰立馬看要使

帝王開壯勝詎容胡虜故摧殘鼎湖龍去遺弓在

玉殿芝生靈氣盤

時長陵殿產有靈芝

多少祠官探竒絕檜

風雪月不勝寒

此地封燕事豈偶却於登祀見

神功海潮北向有餘潤山勢西來不盡雄形勝本

居一世上鬱盤略見

七陵中南郊廻首玄宮遠淵默

今皇孝思同

至日登歌主氣新
本朝陵墓無周秦
二儀不改河山脉
百代空聞戰伐塵
天若有心存勝地
胡將未運當

真人雲霄涕淚松
杉冷想像

文皇躍馬身

送黃國器廣文之富平兼訊同年楊伯脩
侍御

君不見古來老驥服鹽車
百賢一豆長風沙
羈縻空餘千里足
摧頽不減五雲花
貧賤有時困

高賢人生知命休咄嗟屢老當年常苦飢少陵
奔走難爲家廣文先生況不卑一片青氈凌二
華君去關西有知己春風栽遍飛與李平生不
媿四知鄉一心要爲百世士把酒飲君君莫止
眼前聲耀東流水王侯華袞只如此低眉覩面
徒爲耳氣酣耳熱拔劍起鞞鷹鼓鳳心不死到
時爲問楊伯脩廣武城邊暮烟紫

又送黃國器一首

朔風獵獵送君回把臂歡然勸一杯洛水本從
商嶺出秦關故放濁河來蟠龍原畔談經地落

鴈峰前作賦才莫向都門重離別鯤鵬到處有
風雷

乙未元日

鷄鳴立馬聽金鑰中使傳宣忽放朝青帝乘春
開氣色紫宸拂曙卷簾韶水流冰泮又今日栢
葉椒花自昨宵咫尺黃河阻一簫嵩立迴首白
雲遙

奉和 聖製元日韻

一氣回元萬國春曲成盡荷皇天仁水流花發
觀生息蠖動龍翔見屈伸人當新歲眼俱異世

有

哲王風自淳曠古明良空遺響千年意象今爲真

人日

暖風晴日試新羹人事物華見客情鄉夢憶挑
稀菜甲塵縈思濯舊冠纓宮苑柳蚤俱動江
鴈林鶯時一鳴門外竹梅暮相語澹烟疎靄月
輕盈

元夕

一年月色滿今夕百歲宦情常故園火樹星橋
春爛熳蟲鳴螽躍暮綰緼清光坐見時呼酒玄

葉無成獨閉門試向危欄看舊藥金森玉苗自
靈根

送李子喬贊畫三關

少年投筆叅戎幕龍虎風雲氣勢深躍馬賢豪
當鴈塞穿楊材藝空榆林三關坐闡平胡策一
劍長懸報

主心黔柱淮碑亦細事許身莫媿雙南金

題同年徐侍御廼翁卷

鳳凰山下江千尺鳳凰山上高人宅松花不彫
草堂在文窓倒映橫雲白明月來窺處士棊靈

鶴自識東山夜驄馬長鳴不可羈迴頭一顧吳

江碧

橫雲山名

慈恩寺別高蘇門

鬱鬱天日黃大道埃氛厚振鞅誰爲情蘇門天
下偶高倡薄煙虹微音破壙缶平生嬾送客今
日唯恐後靈氣霽諸天法雲裊慧牖蕤蕤枝上
華泠泠峰前瀏玄解似託禪冥心空對酒徙倚
忽日夕喟焉傷簪綬與君俱壯顏音塵謝迴首
高涼篇贈鄭蔡山太守兼訊程質菴太史
海風吹月炎瘴滅群峰迴合陰森結五月山南

冰始開四時巖下泉常咽閨江鄭子風神澈心
本平易化理別醞藉能發幽谷春彌綸會補蒼
生缺萬年

天子重農事耕蠶易使民生遂汝到高涼莫厭貧
寒嵐凍草色俱異合浦光還明月輝中澤氣復
歸鴻字礪花不省牽帷心山鳥定識彈琴吏與
君同年頗相厚片言逆耳莫予咎從來良吏不
擇民人生貴在垂不朽鳳池美人留滯久到時
問訊休使後別去新詩凡幾囊皓鸞白馬長廻
首

河東太守行

自從禹鑿龍門開黃河西來如奔雷中原土疏
易崩潰滔天濁浪天爲哀河東太守中潁子青
年剖符河之涘壯節長懷砥柱峰柔翰力挽頽
瀾起究澤合看霖雨巖移風況是茅茨里天下
之民宜休息晉弦首解待君始眼中豈無英雄
才紛更詭俗動成瘠君不見太行山黃河水西
北一帶青挿天東南千古流不已願君聲烈亦
如此

和研岡先生同鄭車谷飲黃氏園韻

黃家池館夏宜客
驄馬銀臺合倒衣
詩興若隨天共遠
吏情獨與世相違
青山帶雨坐常見
白鳥窺人晚不稀
莫向盛時慕黃綺
每於鍾鼎識金紼

少室山人集卷四

少室山人集卷五

河南楊本仁

詩

壽默菴老人

息機長慕丈人畦
白首爲園錦水西
君渥豈堪雙下鳳
親心無那一聞雞
寵靈不在新移宅
光耀重生舊照藜
試向玻瓈江上望
知幾軒外霧烟迷

七月八日夜飲郭漸齋宅歸同馮貞所饒
湖田徐堯峰並馬徐行灑然有興

飲罷歸來夜並馬星河如洗興俱饒飄飄似逐
神仙侶望望猶疑烏鵲橋露氣未寒時有鴈月
華友好不聞蜩諸君材力堪長馭俛啄一枝槐
聖朝

秋懷三首次研岡先生登樓韻

自從爲吏風塵間馬上逢人無好顏愛國漫勞
憎白髮違時終合依青山功名富貴寸心在江
海鳬鷗隨處閒日暮倚樓吟蟋蟀迴風吹雨燕
飛還

修竹倚盡衣衫涼白日自照天無光盛世不聞

鼠變虎曠懷誰賦鳳求凰寒花風緊抱晴晝哀
角月明吹曙霜百年軒綬有何意一夜躊躇神
內傷

夕曛倒射水邊樓浮翠空明靜不流戎馬近邊
新罷戰河山奇氣最宜秋無媒談劍終難合未
老抽簪可自由風色漸嚴天漸遠蟲聲木葉俱
堪愁

和俞禮卿送小泉公經略遼東有感
秋風鉦鼓遼陽路眠虎伏鴟瞰此行控制

廟堂應有略百年天下若無兵夕烽榆塞紅將斂

暮笛雲州咽未平
人事天機重惆悵
半山涼雨濕危旌

雲中

雲中兵馬雄天下
世習忠疆壯

本朝一夕彎弓中
虎幕百年建節墮
雞翹漢高臺上風
長峻蘇武城邊雪
未消胡馬蕭蕭飲
河水不知四塞盡
嫖姚

同陳前山登鏡光閣得登字

暇日來遊海印寺
鏡光閣晚躍先登
湖山天地懸雙眼
咲語雲霄挈一僧
萬里烽烟聞牧馬
無

邊秋色俯飛鷹恍然身在諸天外廻首都迷最
上乘

送同安許進士歸養

天高水波木葉下秋風吹人意灑灑繞樹飛烏
啼不棲客子終宵淚盈把人生有親不得養富
貴功名俱土直數寸簪拋輕若芥八月舟行疾
於馬海內非君獨有親白雲滿山鴻呌野十年
宦跡餘雙脚聞君解纜心躍躍鍾鼎何如菽水
歡揮頭不問麒麟閣丈夫親在仕爲美親不可
來杜可也折坂來躡車先回不得爲臣得爲子

舞袖高拂露冕峰華裾光耀亭溪水從來天不
虛生材盛時一失君焉竢補袞常求斷織家君
才豈合終爾爾輔世長民自茲始

九日弘法寺宴集值雨二首

九月祇園亦勝遊晚風吹雨四山秋烟雲故礙
登臨目天地况懷今古愁鴻鴈不來人自醉真
僧無語杯常浮黃花負我興非淺騎馬衝泥何
處求

往年鬱鬱懷不開今日携遊雨又來折古松枝
助乘興問前寺閣當登臺蕭蕭落木俱爲客歷

歷秋山對舉杯會合常難散常易何妨沾濕馬
遲迴

題賞溪挽詩卷

我昔曾聞賞溪水江上猶存賞溪樓樓邊美人
在何處溪風颯颯浮雲秋龍馬不來羲皇死欲
從何人問玄理水西山前空憶君江聲不斷月
明起

正月八日小雪

澹月微雲隱隱光天風吹雪映迴塘六花不避
三陽勢

聖主親焚午夜香，獨上珠簾看意象。坐燒銀燭竟
微茫，宮梅苑柳春先透。細灑輕沾總不妨。

丙申元夕

車馬喧喧月滿輪，上元燈火

帝城春鰲山自是主侯，夜粉署那堪去住身。

聖主憂農如有病，虜塵壓境若無人。年荒寇盜駸
駸發，賴爾當時行化臣。

扈從聖駕謁陵三首

法駕北臨輦路深，百年曠典切

宸襟。河山故秘精靈氣，天地潛通水木心。萬葉旌

旄春照耀

七陵杉檜晚陰森微臣扈從慚何補欲獻周王翠
思箴

鸞輿遙駐萬峰前

萬壽山高生紫烟百代寢園當上地

一人春薦洽重泉翠眉朱袖朝承輦金馬鐵衣夜
控弦仰見

龍顏咫尺小臣誤擬近雲天

聖母朝陵鳳馭遲

天正帶劒先驅時六宮人出風堪醉一路花明春

亦稔高鳥乍廻

宸幄處山靈應怪早朝儀九龍斛水翻新色池上

合添

駐蹕碑

海山謠奉爲大司寇漁石翁壽

吾聞四極之海東海奇天下之水皆歸之煙濤
浩浩渺無際鼉風鯨浪排蛟螭中有神山突峰
巖嶠奧絕廻礴不知幾千萬丈崑崙岷峨皆爲
卑寸雲輒起四天霖一草能扶天下衰若有人
兮霞裳羽衣驂鸞跨翳儵往儵來杳不知其所

止但見青天鶴唳靈風吹公也驚軒麟躍出其
間是乃海嶽間氣之所爲蚤年獻策動

天子清裁震奮螭頭颺攬轡常懸四海心撥劔俄
澄九江水南國亂後得此力天下皆知有漁石
千峰煙盡暮山紫萬壑霜清秋月白君不見吉
囊牧馬河套東烽火夜照宣大紅平生風望迴
重瞳一時節鉞屬之公老臣慮事爲

國憤擁戲西出氣如虹旌戈不改氣色異虜鋒遂
折樽俎中駕馭自有英雄略指麾忽靜沙漠風
羽書得氣開

宸顏成化以來無此功方叔壯略定三垂安石勝
輶播八公鈞陽沈勒湯羊石燕然銅柱聲俱雄
於乎勛望如山亦如海風猷長在單于壘莫謂
三邊慕范韓終令四海知昂鵠少室山人從公
後願將山海爲公壽海不揚波山長茂自首
節侍

明后

奉命如蜀初發都作

早年頗負遠遊興萬里今爲蜀道行形勝定應
躡劍閣升沉誰復問君平俗傳揚馬風流韻江

帶豪雄戰陳聲此去無心向巫峽到時猿鳥莫
相迎

立秋日舟中二首

晚弭雲邊楫秋生水上歌衆芳看大火萬事委
流波飛鷺掠舟過殘螢在野多不眠瞻北斗涼
色滿星河

秋意晚駸駸秋風煙水深孤雲隨遠棹一葉破
芳林天地含仁日川河赴海心倚蓬意無限月
照東南岑

舟至長蘆喜逢徐鳳岡節推

京雨濕征帆孤雲澹容與千里忽逢君倚棹欣
相叙未盡平生懷各自放船去幾年雲樹思片
時萍水語豈無芳杜洲眼見不得竚迴首渺烟
波誰令勿如許

雨發臨清州

浮世常年客清源幾度遊殘蛸咽萬木寒雨立
群鷗鄉夢雲間翻吏情波上舟漁歌簾半捲無
數荻花秋

舟經武城值雨會蘇子書大尹

弦歌千古地風雨一停舟虹影川光暮蟬聲樹

色秋河山猶有耀賢蹤昔同遊借問邑中宰于
今幾處謳

過大名府

崩岸水流急孤帆日向昏落霞人獨牧細雨燕
雙翻危柳三家市頽垣幾處村無端歌瓠子把
酒淚千痕

元城野泊

避喧聊野泊夜靜波潏潏船與星俱動雲含雨
未乾懸燈一岸柳倚欄數聲蟬忽憶漆園吏重
翻秋水篇

中秋同吳北原飲前山昆弟宅

中秋薄暮垂垂雨澹靄浮烟日氣昏恨別未妨
長待月相攜無那重傾罇交游四海幾知己風
物十年冷故園病裏不須惜酩酊向來懷抱可
重論

秋日同北原前山過菴城東陂觀打魚

平野千家水清秋一葉舟百年桑柘地今日鷺
鷗游露下波逾靜月明網未收空筌成大笑醉
影寫中流

九日復飲前山宅

中秋共飲天無月九日重來菊未花把酒漫勞
吟落木遶籬空自吸明霞水邊烟裏見鴻影竹
葉松稍有露華何似君身得閒散天風吹帽一
長嗟

雨發觴西岡園

故園秋盡獨西征寒雨蕭蕭馬一鳴千里關河
看過鴈百年冠劍逐流萍聊從勝地開塵抱況
有名花勸客觥一品一杯揮不盡殘雲斜日鼓
鉦聲

尉氏縣喜逢陳近泉曹長

驛路相逢夜天門別後情君能敷

帝德吾敢緩王程雷起重泉蟄風吹萬里旌一尊
得重把但聽斗河傾

過洛河感賦一首

行至洛陽悲不勝洛河一綫今堪溯

馮宇

逢人枉

問周王鼎立馬迴瞻漢帝陵天下車書曾全集
向來爭戰徒雲蒸欲尋高地看形勝舉首高行
不可登

會盟臺

臺在澠池縣西三里

斜日驛樓角荒臺污水涯當年秦趙意杯酒隱

龍蛇爭瑟人馬在連城望已賒空餘數尺土落
木亂啼鴉

早發硤石驛往觀三門山行

驛路初逢險山蹊萬折通牛耕千仞上馬在百
盤中高日草蟲亂微霜柿葉紅秦關百二地西
望氣先雄

少室山人集卷五